



1320 هـ ق، 1281 هـ ش ایلینده، سراب شهرینده، علم و تقوا دولو بیر ائوده بیر اولدوز ایشیلداییب ائو اهلینی سنویندیردی.

شیخ احمد امینی تبریزی، علامه امینی‌نین محترم آتاسی، تقوالی عالیمردندی. انسانلار اونا احترام اندرديلر. میرزا احمد، 1287 هـ ق-ده آنادان اولدو. او اؤز زمانین فقیه و مجتهدلریندن اولوب زهد و پارسالیقدا ديللره دؤشموشدو. او 1304-ده تبریزه مهاجرت ائدیپ همیشه‌لیک بورادا ساکین اولدو. بو بؤیوک کیشی، 1370 هـ ق-ده دونیادان گئدیپ مقدس قوم شهرینین "نو" قبرستانیندا قویلدی.

علامه امینی‌نین دهده‌سی (پدربزرگ)، ابن الشرعه آدلیم اولان ملا نجفقلی دور کی علامه‌نین ده آدی بو لقبند (امین الشرع) آلمیشدیر. او 1257 هـ ق-ده تبریزین تابعه‌سی اولان "سردها" کندینده دونیاا گؤز آچدی. ائله او کندده ده درس اوخوماغا باشلادی. سونرالار تبریزده ساکین اولدو. زاهد، فاضل، پرهیزکار و ادیب بیر کیشی ایدی. ائمه-اطهار خیرلرینی بیغماغا چوخ علاقه‌لی ایدی. بیر نچه روایت مجموعه‌سی ده تدوین ائدیلدی. اوندان فارسجا و تۆرکجه شعرلر یادگار قالیدیر. او شعرده "واثق" تخلص ائردی و مؤهورو ده - بعضی رساله‌لرینین دالیندا گؤرولدو کیمی - "الواثق بالله الغنی عبده نجفقلی" ایمیش. او 1340 هـ ق-دا، 83 یاشیندا دونیادان گئدیپ نجف-اشرفین وادی السلامیندا توپراغا تاپشیریلدی.

### علامه‌نین اوشاقلیق و جاوانلیق چاغی

عبد الحسین‌ین اوشاقلیقی یاشیدلارینینکی کیمی کئچمه‌دی؛ بلکه او، ائله اوشاقلیقیندان، اؤز هوش و استعدادینی گؤرستدی. او حیاتینا باشلادیقیندان بری، دینی مسله‌لری آنلاماقدا، گؤجلو حافظه و عجیب سرعتیله هرکسی حئیران ائردی. محقق روحو، آیری اوشاقلار کیمی یاشاما سینا اجازه وئریمیردی. اونو گؤرن هرکس چوخ هوشلو اولدوغونو دئیردی.

مذهبی، علم، بیلم و معرفت‌سنورخانواده‌سی عبدالحسین‌ین گلیشمه‌سی (رشد و تعالی) اؤچون زمینه‌نی حاضیرلادیلار. تحصیله آتاسینین یانیندا باشلاییب علمین پایه‌لریله تانیش اولدو.

آتاسی، اونا، فارس ادبیاتی، عربجه، منطق و بیرآز دا فیه و اصول اؤیرتدی. عبدالحسین حدیث و اعتقاد کیتابلارینا چوخ علاقه گؤرستسه ده «بو جاوان طلبه‌نین اؤیرتیمی اوچون، قرآن و نهج البلاغه لاپ ده‌یرلی کیتابلاردی».

ائله اوشاقلیقیندان اعتباراً، عبدالحسین‌ین وجودو، قرآن آیهلری و امیرالمومنین علی‌نین - علیه السلام - و دیگر اماملارین - علیهم السلام - حدیثلری ایله دولوب اهل - بیت محبتی قانینا و روحونا ایشله‌دی؛ اونلار اسلام اولسون.

بنله جه، عبدالحسین، استعدادی، علمی چالیشمالاری و اراده گؤچوله، خانواده و دؤره-برینده کیلری، اؤز گلجه‌نین امیدوار ائردی.

عبدالحسین اون دؤرد یاشیندا، شیخ محمد خیابانی، اینگیلیستانین شوم استعمارس علیه‌نه قیام ائتدی. خیابانی‌ین نهضتیندن قابق، مشروطه انقلابی باش وئریمیشدی؛ بو انقلابدا تبریز خالق، چوخ مؤهؤم بیر نقش عهده‌لنمیشدی. ایندی ایسه، خیابانی، شهیدلرین قانینین احترامینا، آیری بیر قیاملا انحرافین قاباغیندا دورماق ایسته‌ییردی. پس، 16 رجب 1338، مصادف 17 فروردین 1299-دا، وثوق‌الدوله‌نین مرتجع دولتی، هم ده اینگیلیس امپئریالیستلری علیه‌نه قیام ائتدی. بو قیام آذربایجانین آیری شهرلرینه ده سرایت ائدیپ دولت اداره‌لری بیرر بیرر انقلابچیلارین ایینه دؤشدو. شهرین اداره‌سی، آلتی آک بویونجا، خیابانی‌نین رهبرلییی ایله میلی کومیته‌نین ایینه‌ایدی. او، اینگیلیس، روس، آلمان و عثمانلی قاباغیندا دوران مستقل موضعلی بیر مبارزدی. وثوق‌الدوله‌نین سقوطوندان سونرا، مشیرالدوله پیرنیا یاش‌وزیرلییه (نخست وزیر) چاتدی. او حاجی مخبرالسلطنه هدایتی، تبریزه گؤندریب یورولماز مجاهدی دفع ائتمه‌سینی ایسته‌دی. 28 ذیحجه الحرامدا، انقلابچیلارین مرکزی آرادان گئتدی. اؤچ گوندن سونرا دا، اونو، شیخ حسن میانجی‌نین ائوینده شهید ائتدیلر.

عبدالحسین، شیخ محمد خیابانی‌نین متعالی یؤزلری و فیکیرلری ایله تانیش ایدی؛ اونون سنورلری کیمی عزا توتدو. آتاسیندان اؤیرندی کی قیام و شهادتدن سونرا، دوعا مکتبی ایله، اسلامین سیاسی و اجتماعی فرهنگینی، اجتماعدا یایماق گرک.

امینی ایسته‌ییردی کی عتبات-عالیاتدا درس اوخوماقلا، علمی جهاد ائدیپ حاق یولونا دوام ائتسین.

علام، 16 یاشیندا تحصیلینه ادامه وئرتمک اؤچون نجف-اشرفه گئدیپ تقریباً 32 یاشیناچان اورادا درس اوخودو.

بو ایللرده آیه الله سید محمدین محمدباقر الحسینی فیروزآبادی، آیه الله سید ابوتراب بن ابوالقاسم خوانساری، آیه الله میرزا علی بن عبدالحسین ایروانی و آیه الله میرزا ابوالحسن بن عبدالحسین مشکینی کیمی اوستادلاردان فایدالانیب بیلم آلدی.

علامه، بعضی اوستادلاردان اجتهاد اجازه‌سی آلمیشدیر:

- 1- آیت الله سید میرزا علی بن مجدد شیرازی
- 2- آیت الله شیخ میرزا حسین نائینی نجفی
- 3- آیت الله شیخ عبدالکریم بن ملا محمد جعفر یزدی حائری
- 4- آیت الله سید ابوالحسن بن سید محمد موسوی اصفهانی
- 5- آیت الله شیخ محمد حسین بن محمد حسن اصفهانی نجفی مشهور به کمپانی
- 6- آیت الله شیخ محمد حسین بن علی آل کاشف الغطاء.

او، 32 یاشیندا، آنا یوردو تبریزه قایدیب قیسا بیر مدت اورادا قالدی. او زامانلار، واختی، تحصیل و تدریسه صرف اولدو. جانی امیرالمومنین علی - علیه السلام - عشقینده یانان علامه امینی، اوزون زامان فراغا دؤره‌مه‌یب گینه ده نجف-اشرفه گئتدی. علامه امینی‌ین اجتهاددا، منزلتلی مقامی واردی. اونون واختین چوخو مطالعه و تحقیق گنچردی و اسلام منبعلریندن توشه آلاردی. او تفسیر، تاریخ و رجال علمینده نظر صاحبی ایدی.

### علامه‌نین تحقیق و تألیف‌لری

شیخ عبدالحسین 1335-ده، «شهداء الفضيلة» آدلی ده‌یرلی اثرینین تألیفینی باشلادی. 33 یاشلی عبدالحسین، بو دؤوره تاذا و ابتکاری بیر ایش گؤردو. او، قدیم کیتابلاردان حاق یولوندا شهید اولان قدیم و معاصر علملر باره‌سینده، بو اثری یازدی. او بو کیتابی یازماق اؤچون چوخ زحمت چکدی. شهید عالیملر باره‌سینده، آریا دا چوخ مطلب تاپماق اوچون ایران و عراقدا بیر چوخ کیتابخانا یا باش ووردو. علامه امینی، بو کیتابدا دؤردونجو عصردن اون دوردونجو عصره قدر

يؤزردن چوخ امام على (ع) پيروو و شيعه علملرينين، حيات و فيكىرلرينى يازماغا چاليشدى. بو معاصر محدث، مفسر، متكلم و فقيه اؤز گننيس دايرهلى تحقيقلرينه ادامه وئريب ابن قولويه قمى نين «كامل الزيارات» كيتابينا بير تعليقه يازدى. او بو تعليقهنى شيعه فرهنگينده زيارت مفهومونو تانيديب باره سينده بحث ائتمك اوچون قلمه آلدى. سونرا دا «ادب الزائر» آدى ائرين تاليفيله، اؤز ارادتينى امام حسينه (ع) ثابت ائتدى.

فلسفه زمينه سينده ده ايكي جلدده «ثمرات الاسفار»نى تاليف ائتدى. فيقه و اصولدا، شئخ انصارى نين ده يرلى «مكاسب» و «وسائل» كيتابلارينا حاشيه يازدى. ائله بو زامانلاردا ده يرلى بؤيوك علمى چاليشمالارينا گؤره آدلارنى چكديميميز اوستادلاريندان، اجتهاد اجازه سى آليب تيريزه دؤندو.

بو زامانلاردا قرآن تفسيرينه جذب اولار. اعراف، واقعه و مؤمن سوره لر نين بعضى آيه لر يندن بحث و اونلارنى تحليل ائدر؛ فقط بو تحقيقلرين هاميسى اونون بؤيرك ايشينه بير مقدمه دير.

علامه امينى، تحصيلاتينا باشلايقدان برى، اسلامين معيارلار ييلا. اداره اولوناجاق بير جامعه نين ايجادينى دؤشونوب دوراردى. ائله بير جامعه كى اوندان قارداشلىق عينى له شسين و مسلمانلار تبعيض و تفرقه سيز، آرمانى بير جامعه دؤزه لثمه يه چاليشسينلار. او، بو هدفى اوچون عراق، هندوستان، پاكستان، مغرب، مصر و... اؤلكه لره سفر ائدر كى اولار نين كيتابخانالار يندا اولده، تليغ آيه لرى (مبارك مائده سوره سى: 67-جى آيه)، اكمال (مائده: 5-جى آيه)، مبارك معرج سوره سينين 1-3-جى آيه لرى، ولايت (مائده 55-جى آيه) و هل اتى سوره سى باره سينده تحقيق ائتمه يه باشلار.

سونرا، غدیر، ولايت، منزلت، ثقلین، انذار العشيره و... حديثلرى تاريخ و سند باخيميندان تحليل ائديب آراشديريبيدير. **الغدیر كيتابى** نين بيرينجى چاپى ه ش 1324-ده نجفده باشلانيب دو ققوزونجو جيلده قدر چاپ اولونو. علامه امينى **الغدیر كيتابى** نين 1-جى جيلدينين نشر يندن يئددى ايل سونرا اميرالمومنين عليه (ع) اراده تينى اثبات ائتمك اوچون 42000-دن چوخ اليازما (خطى) و باسما (چاپى) كيتابلا **امام اميرالمؤمنين كيتابخاناسى** نى (مكتبة الامام اميرالمؤمنين) تاسيس ائدر.

علامه امينى نين چاپ اولونوموش كيتابلارى:

1- شهداء الفضيله

اسلام و دين يولوندا شهيد اولان 130-دان چوخ دين علمينين زندگيامه سى.

2- سيرتنا و سنتنا سيره نبينا و سنته

بو كيتاب، شيعه نين اهل-بيته (ع) محبتى و حضرت سيدالشهدا ياس ساخلاماق باره سينده سوروشولان سواللارا، علامه امينى نين جوابلار يدير.

3- كامل الزيارات ابن قولويه (تصحيح و تعليق)

4- ادب الزائر لمن يمم الحائر

5- الغدير في الكتاب و السنه و الادب

6- تفسير فاتحه الكتاب

اونون چاپ اولونماميش اثرلرى ده وار:

1- اعلام الانام في معرفه الملك العلام (توحيد باره سينده و فارس ديلينده).

2- تفسير آية و لله الاسماء الحسنی

3- تفسير آية و كنتم ازواجاً ثلاثه ...

4- تفسير آية و اذ أخذ ربك من بني آدم ...

5- تفسير آية قالوا ربنا امنا اثنين ...

6- ثمرات الاسفار (ايكى جيلده)

7- رسائل شيخ انصاريه حاشيه

8- مكاسب شيخ انصاريه حاشيه

9- زيارتلر حقيقينده زيارت (پاكستان عاليملرينه جواب اولاراق يازيليدير).

10- علم درايه رساله سى

11- نيت رساله سى

12- رياض الانس (ايكى جيلده هره سى مين صحيفه)

13- العتره الطاهره في الكتاب العزيز

14- سليم بن قيس هلالى كيتابى باره سينده رساله سى

امام على كيتابخاناسى

الغدیر صاحبى ه ق 1373-ده، الغديرين ايل جيلدينين نشر يندن سككيز ايل سونرا، بير كيتابخانا تاسيس ائيب آدينى **مكتبة الامام اميرالمؤمنين عليه السلام** قويوب غدير بايرام يندا افتتاح ائتدى. بو كيتابخانا، ايشينه، 42000 جيلد اليازما (خطى) و باسما (چاپى) كيتابلار باشلادى. كيتابخانانين تاسيسى اوچون

اليازما كيتابلارى معتبر كيتاخانالاردان تهيه اولونو؛ بعضيلرى:

ناصريه كيتابخاناسى، 000/30 جيلد كيتاب، لکنهو

مدرسة الوعظين كيتابخاناسى، 000/20 جيلد كيتاب، لکنهو

سلطان المدارس كيتابخاناسى، 000/5 جيلد كيتاب، لکنهو

معتاز العلماء كيتابخاناسى، 000/18 جيلد كيتاب، لکنهو

محل فرنگى كيتابخاناسى، 000/9 جيلد كيتاب، لکنهو

ندوة العلماء كيتابخاناسى، 000/60 جيلد كيتاب، لکنهو

اميرالدوله كيتابخاناسى، 000/110 جيلد كيتاب، لکنهو

دانشگاه اسلامى عليگره كيتابخاناسى، 000/500 جيلد كيتاب، عليگره

رظلا عمومى كيتابخاناسى، رامپو

خدايخش كيتابخاناسى، 000/50 جيلد كيتاب، پتنه

عثمانلی دانشگاهی عمومی کتابخاناسی، 000/111 جیلد کتاب، حیدرآباد  
آصفیه عمومی کتابخاناسی، 000/125 جیلد کتاب، حیدرآباد  
سالار-جنگ کتابخاناسی، 000/52 جیلد کتاب، حیدرآباد؛  
بونلاردان سونرا، ایران و عراقدا مختلف عمومی و خصوصی کیتابخانالار دا گورولوب فابدا انیلیدیر.

## علامه نین زهد و عبادتی

او، زهد، تقوا و ورعه چوخ دقتلی ایدی. عابدی و آلاهی امریندن چیخمازدی. اخلاقی خوش و همّتی اوچایدی. بلکه ده ائله بو همّتی سایه سینده موفقیتلره چاتمیشدی؛ هدفی یولونداکی مانعلا اونو دوردورمازدی، ناامید ائتمزدی. بو قدر علم ویلیمه صاحب اولسا دا چوخ آچاق کونوللو (متواضع و به دور از کبر و غرور) ایدی.

رحمتلی علامه دیلیندن چوخ مییاعیت اولاردی. تعریفله یئرلر کی کیمسه آغزیندن چیرکین بیر سؤز ائشیتمه میشدی. آتاسی باره سینده ده دئیرلر کی او قدر اخلاقی و نفسی-سالییم بیر آدامدی هئچ کس اونو عصیانلی گوره ممدی مگر دینی مسله لرده. ائله ادبلی ایدی کی کیمسه پیس بیر سؤز اوندان ائشیتمه دی.

علامه امینی نین آلاها توکلؤ و اوندان سووایدان انقطاعی هرکسین دیلینده ایدی. او بیر مشکله توش گلدیینه اهل-بیت خصوصاً امیرالمؤمنین علی (ع) متوسّل اولاردی.

علامه امینی یارانیشین تمیلین محبت اولدوغونا اینانیردی. او "بوتون عبادتلهر محبتدنیر" دئیردی (هل الدین الا احب؟). آلاها محبت نه قدر چوخ اولسا او قدر گونا و معصیتدن اوزاق اولونار. رحمتلی دئیردی: نامازدا توخهسؤز اولانین محبت مشکلو واردیر.

او عبادتده ده چالیشقان و گنجه نامازینا مقیددی. همیشه، صبح نامازیندان سونرا قرآن اوخویاردی کی تدبیر و تأمل ایله اولاردی. حیاتدا لاپ مؤهؤم مسله لریندن بیر قرآن اوخوماسی و اونولا مانوس اولماسی ایدی. اورولوقدا، اوروج توتوب عبادت ائتمک اوچون اؤز لرینی هر ایشدن فارغ ائدیله. بو آیدا اون بنش قرآن ختمی اولاردی؛ اون دؤرد ختم اون دؤرد معصوم نیتینه و بیر ده آتا آتاسی آدینا. آیری ایلاردا دا هنج اولمازسا بیر قرآن ختمی اولاردی. بو قرائتله و قرآنلا مانوسلوغون تاثیر اونیون قلمینده گورؤنور؛ یازیلاری چوخ آخیجی (روان) و محکمدر؛ البته بو تاثیرلر الغدیره داها بارزدر؛ الغدیره بعضی آیه لره ائله استشهاد ائدیله کی ائله بیل بو آیه ائله او موضوع اوچون نازل اولوبدور.

توسلله چوخ تأکید ائردی. جامعه-کبیره، امین الله وعاشورا زیارتلرینی اینانیر و اوخومسینا مقیددی. بیر چوخ دعوانی دا حیفظ ایدی.

## زیارلر و توسلر

علامه امینی بویورادیلار کی زیارتلر و دعوالار شیعه مکتبینه طرح اولوندوغو کیمی آیری مکتبلر و مذهب لرده یوخدور. بیرسی بو زیارتلر و دعوالارلا مانوس اولسا و نه اوخودوغونو و اونون فلسفه و حکیمتینی بیلسه، ساواو ادسیز شیعه اولماز؛ دینین نه اولدوغونو بیلر.

علامه امینی توسلله چوخ تأکید ائردی؛ جامعه-کبیره، امین الله وعاشورا زیارتلرینی اینانیر و اوخومسینا مقیددی. بیر چوخ دعوانی دا حیفظ ایدی.

رحمتلی علامه نین حیاتی نین مؤهؤم بیر قیسمتینی دعوالار، توسلر، اهل-بیته یالوار-یاخار و خصوصاً زیارتلر تشکیل ائدر. او، هر گنجه امیرالمؤمنین علی نین (ع) حرمینه مشرف اولدوغو زامان او قدر دبلری رعایت ائردی کی انسانلار زیارت دبلرینی اؤیرنمک اوچون دوروب اونا باخاردیلار. آچاق کونوللولوک و حؤزن ایله امامین باشی طرفینده اوتوروب زیارتده کی لفظلره ااماللا. دانیشیب او قدر آغلاردی کی ساققاللاری بنله ایسلاناردی و او قدر مشغول اولاردی کی چوخ واخت بیر ساعاتدان دا چوخ چکردی.

علامه امینی «اشهد ائیک تسمع کلامی و ترد سلامی» لفظینی حرمده اوخودوغو زامان حضرتین قاباقدا اوتوروب اونولا دانیشدیغینا و حضرتدن جواب آلا بیله جینه اینانیردی؛ بو دا ولایتده بؤوک بیر مقامدیر.

حضرت سیدالشهدائین (ع) حرمینه مشرف اولدوغو زامان یئره گئردی. توجه اولوناسی مسله ده یئور کی اصلی یولدان گئتمه ییب ده کندلر آراسیندان گئردر و گنجه لری ده اؤزونو تانیتمادان او کندلره قالیب اورادا دین معارفی و اهل-بیت (ع) باره لرینده سخنرائلیق ائدیله الهی معرفت لرین شیرین دادینی اونلارا دادی زاردی.

## توسلدن جواب آلا عینا یقینی

عربین بؤوک شاعیرلریندن و میصیر (مصر) عالیملریندن اولان دوکتور محمد عبدالغنی حسن – علامه امینی نین الغدیری اونا گؤندردیییندن سونرا – بیر شعر قوشوب علامه یه گؤندریب اوندان تقدیر ائتدی.

علامه امینی بیر نامه گؤندردی کی من سیزدن ممنونام کی بو شعر قوشوب منه گؤندیسیزینز آما نییه اصلی قویوب فرعدن یاپیشمیسینیز؟ کشکه سیز ده غدیره دئییب آدینیزی غدیره-دئیلر آراسیندا ثبت ائدیبلر قالارقی اولایدینیز امیالمؤمنینه ده دوستلوغونوزو گؤرسه ده یدینیز.

دئیرلر ایکی آی جواب وئرمه دی. ایکی آیدان سونرا بنله جواب گلدی کی من سیزین نامه نینزین جوابینی بونون اوچون گنج وئردیم؛ بو دونیادا آنجاق بیر قیزیم وار او دا مریض اولوب و دوکتورلار جواب ائدیله قیزیم دا اولوم حالیندادیر. اونا گؤره، شعر دئمک حالیم یوخدو آما سیزین بویوردوغونوزا گؤره بو غدیره نی آغلار گؤزلره دئییب سیزه گؤندردیم.

بو نامه پنجشنبه گونو علامه نین ایینه چاندى. علامه امینی امیرالمؤمنین (ع) حرمینه گئتدی. صباح، اوغلو حاج آغا رضایا بیر نامه وئریب محمد عبدالغنی حسنه پست ائتمه سینى ایسته ییب دئدی: من دؤن حرمده غدیره نی امیرالمؤمنینه (ع) اوخودوم و قیزین شفاسینی آلا بیلدیم دوشونورم؛ ان شاء الله.

نامه گؤندریلدى و ایکی هفته سونرا، محمد عبدالغنی حسن نین جوابی گلدى: سبحان الله، ائله او گنجه کی سیز بویوروسونوز منیم غدیره می حرمده اوخوسونوز قیزیم شدتلی بیر تب ائدیپ سونرا توختادی. ایندی ده ائومین چیچگیدیر بو دا مولا امیرالمؤمنین معزه لریندیر.

رحمتلی علامه دئدی کی جامعه-کبیره زیارتینی اوخویان و نه دئییبی بیلن شیعه ساوادسیز دئیل چؤنکو دینین نه اولدوغونو بیلیر.

## گؤنشین بانماسی

علامه امینی نین بیر عؤمور، دورمادان چالیشماسی، اونون جیسمینین ضعفینه و عؤمرونون سون ایکی ایلینده مریض و اوتوراق اولدوغونا سبب اولدو. اسلام دینی، شیعه مذهبی و اهل-بیت (ع) یولوندا چکدی یورغونلوقلار و چتینلیکلر نهایت جؤمه 12 تیر 1349 (ربیع الثانی 1390) سونوندا چاتیب او آغساقال ده برلی عالمیش سککیز ایل دین یولوندا چالیشدقدان سونرا، یار گوروشونه گئتدی. غدیر صاحبینی الیندن کوثر سویو ایچیب یورغونلوقونو چیخارماغا گئتدی. گئتدی آما الغدیری صفالی اؤزکلرین چیراغی و ولایت گؤنشی چیخینجایا دک اؤمتین هدایت مشعلی اولدو. حتضار حالیندا علامه نین دوداقلارینی

مقدس کربلا تۆرتلی سو ایله ایسلاتدیلار. اوغلو - حاجی شیخ رضا امینی - ده عدیله دوعالارینی و متوسلین و معتصمین دوعالارینی اوخویوردو علامه ده حوزنلو اولاراق و گۆزلریندن یاش آخاراق دوعالاری تکرار اندیردی.  
او بویوک کیشینین آغزیندان چیخان سون سؤزلر بئله ایدی:  
"اللهم هذه سكرات الموت قد حلت فاقبل الیّ بوجهک الکریم، و اعنّی علی نفسی بما تعین به الصالحین علی انفسهم ... " آلاهییم، بو، منه ساری گلن اؤلوم سكراتیدیر. پس منه نظر ائله و صائلحلره کؤمک ائله دییینله منه ده کؤمک ائله.

بو دوغانی قورتاردیقدا سونرا آلاّه چاغریسینا لبتیک دئییب گۆزل روحو آلاها قوووشدو.

#### قایناقلا (منابع)

سیری در الغدير؛ ابوالفضل اسلامي

ترجمه الغدير

شهیدان راه فضیلت

تبیان سایتی

علمای بزرگ شیعه

ربع قرن مع العلامة

گلشن ابرار؛ جمعی از پژوهشگران حوزه علمیه قم

حوزه نین سایتی

<http://www.hawzah.net/Hawzah/Scientists/Scientists.aspx?id=1978>

علامه امینی عالی آموؤش موسسه سی نین سایتی

[http://www.aab.ac.ir/0401/sec\\_1/p\\_9.aspx?lang=Fa](http://www.aab.ac.ir/0401/sec_1/p_9.aspx?lang=Fa)

حماسه غدیر؛ محمدرضا حکیمی

ابنا خیر سایتی

لینک مطلب در سایت : <http://torki.tebyan-tabriz.ir/?MID=21&Type=News&id=7>